



Ordning for nauddåp

Justert av NFG i tråd med kyrkjemøtet sitt vedtak om «Ordning for dåp i hovvudgudstjenesta 2017». Denne fylldigare ordninga vert nytta dersom tida tillet det. Elles nyttar ein «Kort ordning for nøddåp».

I. Ved dåp av born

Når tilhøva gjer det naturleg, kan ein innleia handlinga med salme/song.

1 | Mottaking

Den som utfører dåpen, seier:

L: I namnet åt Faderen og Sonen og Den heilage ande.

eller

L: I namnet åt Faderen og Sonen og Den heilage ande: Vår skapar, frigjerar og livgjevar.

L: Vi kjem i dag med *dette barnet / desse borna* til Gud i den heilage dåpen. I dåpen tek Gud imot oss og sameinar oss med den krossfeste og oppstadne Jesus Kristus.

2 | Dåpshandlinga

Liturgen vender seg mot andletet til barnet og bed bøna med open handflate.

L: Eg teiknar deg med det heilage krossmerket ✠ til vitnemål om at du skal høyra den krossfeste og oppstadne Jesus Kristus til og tru på han.

NN [namnet vert nemnt, dersom det er fastsett], etter vår Herre Jesu Kristi ord og bod døyper eg deg til namnet åt Faderen og Sonen og Den heilage ande.

Medan dette blir sagt, auser liturgen med handa rikeleg med vatn over hovudet til den som blir døypt, tre gonger. Ligg barnet i kuvøse, stryk ein i staden vassdropar med fingertuppane tre gonger på hovudet til barnet.

Med handa på hovudet til barnet:

L: Den allmechtige Gud har no gjeve deg sin heilage Ande, fødd deg på nytt og teke deg inn i sin truande kyrkjelyd. Gud styrkje deg med sin nåde til det evige livet. Fred vere med deg.

3 | Bøn

Den som utfører dåpen, bed Fadervår, gjerne saman med dei som er tilstades:

L/A: Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.

Når tilhøva gjer det naturleg, sluttar handlinga med salme/song.

II. Ved dåp av vaksne

Når tilhøva gjer det naturleg, kan ein innleia handlinga med salme/song.

1 | Mottaking

Den som utfører dåpen, seier:

L: I namnet åt Faderen og Sonen og Den heilage ande.

eller

L: I namnet åt Faderen og Sonen og Den heilage ande: Vår skapar, frigjerar og livgjevar.

L: Vi kjem i dag med NN [*namnet vert nemt*] til Gud i den heilage dåpen. I dåpen tek Gud imot oss og sameinar oss med den krossfeste og oppstadne Jesus Kristus.

2 | Dåpshandlinga

Den som utfører dåpen, seier:

L: NN [*namnet vert nemt*] vil du bli døypt til namnet åt Faderen og Sonen og Den heilage ande og leva i den kristne forsakinga og trua?

Dåpskandidaten: Ja

Liturgen vender seg mot andletet til dåpskandidaten og bed bøna med open handflate.

L: Eg teiknar deg med det heilage krossmerket ✠ til vitnemål om at du skal høyra den krossfeste og oppstadne Jesus Kristus til og tru på han.

NN [*namnet vert nemt*], etter vår Herre Jesu Kristi ord og bod døyper eg deg til namnet åt Faderen og Sonen og Den heilage ande.

Medan dette blir sagt, auser liturgen med handa rikeleg med vatn over hovudet til den som blir døypt, tre gonger.

Med handa på hovudet til dåpskandidaten:

L: Den allmechtige Gud har no gjeve deg sin heilage Ande, fødd deg på nytt og teke deg inn i sin truande kyrkjelyd. Gud styrkje deg med sin nåde til det evige livet. Fred vere med deg.

3 | Bøn

Den som utfører dåpen, bed Fadervår, saman med den døypte, og gjerne saman med dei andre som er tilstades:

L/A: Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.

Når tilhøva gjer det naturleg, sluttar handlinga med salme/song.

Kort ordning for nauddåp

Justert av NFG i tråd med kyrkjemøtet sitt vedtak om «Ordning for dåp i hovvudgudstjenesta 2017». Denne ordningen vert nytta når det hastar med dåpen.

I. Ved dåp av born

1 | Mottaking

Den som utfører dåpen, bed:

L: Treeinige Gud, vi bed deg; ta imot dette barnet.

2 | Dåpshandlinga

Deretter auser ein vatn over hovudet til barnet tre gonger og seier:

L: NN [*namnet vert nemt, dersom det er fastsett*], etter vår Herre Jesu Kristi ord og bod døyper eg deg til namnet åt Faderen og Sonen og Den heilage ande.

Ligg barnet i kuvøse, stryk ein i staden vassdropar med fingertuppane tre gonger på hovudet til barnet.

3 | Bøn

Den som utfører dåpen, bed Fadervår, gjerne saman med dei som er tilstades:

L/A: Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.

Når tilhøva gjer det naturleg, sluttar handlinga med salme/song.

II. Ved dåp av vaksne

1 | Mottaking

Den som utfører dåpen, bed:

L: Treeinige Gud, vi bed deg; ta imot NN [*namnet vert nemt*].

2 | Dåpshandlinga

Deretter auser ein vatn over hovudet til dåpskandidaten tre gonger og seier:

L: NN [*namnet vert nemt*], etter vår Herre Jesu Kristi ord og bod døyper eg deg til namnet åt Faderen og Sonen og Den heilage ande.

3 | Bøn

Den som utfører dåpen, bed Fadervår, saman med den døypte, og gjerne saman med dei andre som er tilstades:

L/A: Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.

Når tilhøva gjer det naturleg, sluttar handlinga med salme/song.

Stadfesting av dåp

Justert av NFG i tråd med kyrkjemøtet sitt vedtak om «Ordning for dåp i houvudgudstjenesta 2017».

I. Stadfesting av dåp for born og vaksne

1 | Mottaking

L: I namnet åt Faderen og Sonen og Den heilage ande.

eller

L: I namnet åt Faderen og Sonen og Den heilage ande: Vår skapar, frigjerar og livgjevar.

L: Med takk og glede tek vi i dag imot NN/NN [*fornamn*] i vår kyrkjelyd. I dåpen tok Gud imot *ho/han/dei* og sameina *ho/han/dei* med den krossfeste og oppstadne Jesus Kristus.

Ved dåp av større born, unge eller vaksne:

L: Med takk og glede tek vi i dag imot NN/*dykk* i vår kyrkjelyd. I dåpen tok Gud imot NN/*dykk* og sameina NN/*dykk* med den krossfeste og oppstadne Jesus Kristus.

Her kan ein lesa følgjande skriftord:

L: For så elska Gud verda at han gav Son sin, den einborne, så kvar den som trur på han, ikkje skal gå fortapt, men ha evig liv. **JOH 3,16**

L: Høyr kor venleg Jesus tek imot borna og opnar Guds rike for dei:

Ein i dåpsfølgjet, ein annan medliturg eller liturgen les teksten:

ML/L: Dei bar småborn til Jesus for at han skulle røra ved dei, men læresveinane viste dei bort. Då Jesus såg det, vart han sint og sa til dei: «Lat småborna koma til meg og hindra dei ikkje! For Guds rike høyrer slike til. Sanneleg, eg seier dykk: Den som ikkje tek imot Guds rike slik som eit lite barn, skal ikkje koma inn i det.» Så tok han dei inn til seg, la hendene på dei og velsigna dei. **MARK 10,13–16**

Ved dåp av større born, unge eller vaksne kan eventuelt ein av desse tekstane koma i staden:

L: Høyr kva apostelen Paulus seier om dåpen:

ML/L: Det vart openberra kor god vår Gud og frelsar er, og kor han elskar menneska: Han frelste oss, ikkje fordi vi hadde gjort rettferdige gjerningar, men fordi han er miskunnsam. Han frelste oss ved badet som gjenföder og fornyar ved Den heilage ande, som han så rikeleg har aust ut over oss ved Jesus Kristus, vår frelsar, så vi skulle bli rettferdige ved hans nåde og bli arvingar til det evige livet, som er vår von. **TIT 3,4–7**

eller

L: Jesus seier at vi blir fødde på nytt i dåpen:

ML/L: Det var ein mann som heitte Nikodemus. Han var farisear og sat i Rådet til jødane. Han kom til Jesus om natta og sa: «Rabbi, vi veit at Du er ein lærar som er komen frå Gud, for ingen kan gjera dei teikna Du gjer, utan at Gud er med han.» Jesus svara og sa til han: «Sanneleg, sanneleg, eg seier deg: Den som ikkje blir fødd på nytt, kan ikkje sjå Guds rike.» Nikodemus seier til han: «Korleis kan ein som er gammal, bli fødd? Ein kan vel ikkje koma inn i morslivet igjen og bli fødd andre gongen?» Jesus svara: «Sanneleg, sanneleg,

eg seier deg: Den som ikkje blir fødd av vatn og Ande, kan ikkje koma inn i Guds rike.» **JOH 3,1–5**

eller

L: Høyr kva apostelen Paulus seier om dåpen:

ML/L: Veit de ikkje at alle vi som vart døypte til Kristus Jesus, vart døypte til døden hans? Vi vart gravlagde med han då vi vart døypte med denne dåpen til døden. Og slik Kristus vart oppreist frå dei døde ved sin Fars herlegdom, skal vi òg vandra i eit nytt liv. Har vi vakse saman med Kristus i ein død som er lik hans, skal vi òg vera eitt med han i ei oppstode som er lik hans. Vi veit at vårt gamle menneske vart krossfest med han, for at den kroppen som er underlagd synda, skulle gjerast til inkjes og vi ikkje lenger skulle vera slavar under synda. For synda har ikkje lenger nokon rett over den som er død. Men er vi døde med Kristus, trur vi at vi òg skal leva med han. **ROM 6,3–8**

L: Lat oss takka og be:

L/ML: Evige Gud, du som gjev liv til alt som lever, og har skapt oss i ditt bilete:

Vi takkar deg for *NN/NN [fornamn]* som i dag skal bli *døyp/døypte*. *Ho/Han/Dei* er dyrebare(i) dine auge. Ver hos *henne/han/dei* med din kjærleik og gje *henne/han/dei* ein heim i di kyrkje. Amen.

Her, eller før den avsluttande lovprisinga (1 Pet 1,3), kan liturgen kort seia noko om den aktuelle handlinga.

2 | Dåpssalme

Ein dåpssalme kjem anten her, før 1 Mottaking, før 4 Fadderansvaret eller som avslutning av stadfestinga. Dåpssalmen kan ein dela opp og syngja på fleire av desse stadane i liturgien. Det kan òg vera korsong, solosong eller instrumentalmusikk på ein av desse stadene.

3 | Dåpsbefalinga

L: Lat oss høyra Jesu ord og bod om den heilage dåpen:

Ein i dåpsfølgjet, ein annan medliturg eller liturgen les teksten:

L/ML: Eg har fått all makt i himmelen og på jorda. Gå difor og gjer alle folkeslag til læresveinar: Døyp dei til namnet åt Faderen og Sonen og Den heilage ande og lær dei å halda alt det som eg har bode dykk. Og sjå, eg er med dykk alle dagar så lenge verda står. **MATT 28, 18–20**

4 | Fadderansvaret

Ved stadfesting av dåp av born:

L: Vil foreldre og fadrar reisa seg.

De skal vera vitne om at *dette barnet/desse borna* er *døyp/døypte* med den kristne dåpen. Saman med kyrkjelyden vår og heile kyrkja får de del i eit heilagt ansvar: å visa omsorg for *henne/han/dei*, be for *henne/han/dei*, læra *henne sjølv/han sjølv/dei sjølv* å be og hjelpa *henne/han/dei* til å bruka Guds ord og delta i den heilage nattverden, så *ho/han/dei* kan leva og veksa i den kristne trua.

Ved stadfesting av dåp av større born, unge eller vaksne:

L: Vil (foreldre og) fadrar reisa seg.

De skal vera vitne om at NN/desse er døypt/døypte med den kristne dåpen. Saman med kyrkjelyden vår og heile kyrkja får de del i eit heilagt ansvar: å visa omsorg for henne/han/dei, be for henne/han/dei og hjelpa henne/han/dei til å bruka Guds ord og delta i den heilage nattverden, så ho/han/dei kan leva og veksa i den kristne trua.

5 | Forsakinga og trua

Ved stadfesting av dåp av born:

L: Lat oss saman vedkjennast forsakinga og trua, som vi blir døypte til.

Alle reiser seg.

Ved stadfesting av dåp av større born, unge eller vaksne:

L: Vil du saman med denne kyrkjelyden vedkjennast forsakinga og trua som vi blir døypte til?

Den døypte: Ja

Den døypte kan om nødvendig her og ved stadfestinga gje svar på andre måtar enn med verbalt språk. Dei som sjølve kan svara på spørsmålet, blir først spurde. Når alle har svara, seier liturgen:

L: Lat oss saman vedkjennast forsakinga og trua.

Alle reiser seg.

A: Eg forsakar djevelen og alle hans gjerningar og alt hans vesen.

Eg trur på Gud Fader, den allmektige, som skapte himmel og jord.

Eg trur på Jesus Kristus, Guds einborne Son, vår Herre, som vart avla ved Den heilage ande, fødd av Maria møy, pint under Pontius Pilatus, vart krossfest, døydde og vart gravlagd, fór ned til dødsriket, stod opp frå dei døde tredje dagen, fór opp til himmelen, sit ved høgre handa åt Gud, den allmektige Fader, skal koma att derifrå og døma levande og døde.

Eg trur på Den heilage ande, ei heilag, allmenn kyrkje, eit samfunn av dei heilage, forlating for syndene, oppstoda av lekamen og evig liv. Amen. DEN

APOSTOLISKE TRUVEDKJENNINGA

6 | Stadfestinga

Mellom kvar dåp kan ein syngja eit vers frå ein høveleg salme. Dåpsfølgjet går fram til døypefonten.

Ved stadfesting av dåp av born:

L: Kva heiter barnet?

Den som ber barnet, seier fornamnet på barnet.

L: Er NN døypt til namnet åt Faderen og Sonen og Den heilage ande?

Den som ber barnet, foreldra/dei føresette og fadrane svarar: Ja.

L: Vil de at NN skal oppsedast til eit liv i den kristne forsakinga og trua?

Den som ber barnet, foreldra/dei føresette og fadrane svarar: Ja.

Ved stadfesting av dåp av større born, unge eller vaksne:

L: Kva heiter du?

Den døypte, svarar sjølv ved å seia fornamnet sitt. Om nødvendig kan ein annan seia namnet.

L: *NN*, er du døypt til namnet åt Faderen og Sonen og Den heilage ande?

Den døypte svarar: Ja.

L: Vil du leva i den kristne forsakinga og trua?

Den døypte svarar: Ja.

Liturgen legg, gjerne saman med fadrane, handa på hovudet til den døypte og seier:

L: Den allmechtige Gud har i dåpen gjeve deg sin heilage Ande, fødd deg på nytt og teke deg inn i sin truande kyrkjelyd. Gud styrkje deg med sin nåde til det evige livet. Fred vere med deg.

Ein vender barnet mot kyrkjelyden og kan lyfta det opp.

Større born, unge eller vaksne vender seg mot kyrkjelyden. Ein seier følgjande ord:

L: Dette er *NN*, Guds barn, døypt inn i vår kyrkjelyd og Kristi verdsvide kyrkje.

Etter kvar stadfesting og presentasjon kan ein tenna eit lys. Lystenning kan koma her eller under forbøna i gudstenesta. Liturgen kan seia:

L: Eit lys er tent for *NN*.

Lysa set ein i ein lyshaldar.

Når alle dåpslysa er tende, seier liturgen:

L: Jesus seier: «Eg er lyset i verda. Den som følgjer meg, skal ikkje vandra i mørkret, men ha livsens lys.» **JOH 8,12**

7 | Bøn og lovprising

Ein les bøna her eller under forbøna.

L: Lat oss takka og be.

anten A

ML/L: Trufaste Gud, vi takkar deg for dåpen, der du tek imot oss og kallar oss med namn. Vi bed for *NN/borna/dei* som er *døypt/døypte*. Ver med *henne/han/dei* gjennom livet og vara *henne/han/dei* i dåpens nåde. Styrk foreldra og fadrane i oppgåva dei har fått. Gud, høyr vår bøn.

eller B

ML/L: Trufaste Gud, Vi takkar deg for dåpen, der du tek oss inn i di kyrkje. Vi bed for *NN/borna/dei* som er *døypt/døypte*. Hald di vernande hand over *henne/han/dei*, og gje kjærleik og visdom til alle som har ansvar for *henne/han/dei*. Gud, høyr vår bøn.

eller C

ML/L: Trufaste Gud, vi takkar deg for dåpen, og for lovnaden om at Jesus er med oss alle våre dagar. Vi bed for *NN/dei* som er *døypt/døypte*. Vara *henne/han/dei* i trua på deg, så *ho/han/dei* kan vandra i lyset og nå det evige målet i ditt rike. Gud, høyr vår bøn.

Fadervår blir sagt fram. Dersom det er nattverd i gudstenesta, kan Fadervår utelatast her.

L: Lat oss saman be den bøna Jesus har lært oss:

A: **Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi òg tilgjev våre skuldnarar. Og lat oss**

ikkje koma i freisting, men frels oss frå det vonde. For riket er ditt og makta og æra i all æve. Amen.

Det er også høve til å bruka Fadervår etter 1977-liturgien.

L: Lova vere Gud, vår Herre Jesu Kristi Far, han som i si store miskunn har fødd oss på nytt til ei levande von ved Jesu Kristi oppstode frå dei døde! **1 PET 1,3**

Liturgien blir eventuelt avslutta med song, jf. rubrikk til punkt 2